

**Viðauki****Aðferð til að mæla flæði blýs og kadmíums.****Undirbúningur sýnis.**

Sýnið verður að vera hreint, án fitu og annarra óhreininda sem gætu haft áhrif á niðurstöður mælinga. Það skal þvo í volgri lausn með mildum sápuþegi, skola tvisvar með eimuðu vatni og þurrka. Ekki má snerta það yfirborð sem á að prófa eftir að það hefur verið þvegið.

**Útdráttur.**

Þegar mögulegt er skal fylla sýnið með herminum, þannig að yfirborð hans sé 1-6 mm frá efri brún sýnisins. Í öðrum tilvikum er yfirborð sýnisins, sem ekki á að snerta matvæli, húðað með hlífðarlagi sem þolir herminn og sýninu sökkt í þekkt rúmmál hans. Ef mæla á kadmíum skal breitt yfir sýnið þannig að ljós komist ekki að lausninni. Sýnið er látið standa í snertingu við herminn í  $24 \pm 0,5$  klst. við  $22 \pm 2$  C.

**Mæling.**

Magn útdregins blýs og/eða kadmíums í herminum skal mæla með atómgleypnimæli sem hefur greiningarmörkin 0,1 mg/l fyrir blý og 0,01 mg/l fyrir kadmíum. Aður skal lausnin gerð einsleit. Núll lausn verður að mæla fyrir hverja mæliröð.

Hermir:	4% (v/v) ediksýrulausn; 40 ml ísedik bætt í eimað vatn og fyllt að 1000 ml.
Staðlar:	Blýstaðall 1000 mg/l Pb, Kadmíumstaðall minnst 500 mg/l Cd, í báðum tilvikum í 4% ediksýrulausn.
Greiningarmörk:	Sá styrkur sem gefur tvöfalda grunntruflun tækisins í 4 % (v/v) ediksýrulausn.

**GJALDSKRÁ****Rafmagnsveitna ríkisins.****I. SMÁSALA.***Gjaldskráarliðir.*

Rafmagnsveitur ríkisins selja raforku í smásölu á þann hátt og við því verði sem hér segir:

**A.1 Almenn notkun.**

Öll almenn notkun, svo sem heimilisnotkun, lýsing, smávélanotkun og öll önnur notkun ótalin annars staðar.

Orkugjald .....	6,32 kr/kWh
Fastagjald F.1 .....	3.710,00 kr/ári

**A.2 Vinnuljósanotkun.**

Öll skammtímanotkun og notkun til vinnuvéla, vinnuljósa og annars við mannvirkja-gerð.

Orkugjald .....	6,32 kr/kWh
Fastagjald 3xF.1 .....	11.130,00 kr/ári

**A.3 Utanhússlýsing.**

Öll sérmæld utanhússlýsing.

Orkugjald .....	7,29 kr/kWh
Fastagjald F.1 .....	3.710,00 kr/ári

**A.4 Blönduð notkun.**

Öll notkun í sumarbústöðum og sumarbúðum með rafhitun. Heimilt er að selja raforku til þessara nota samkvæmt lið A.1 ef hagkvæmara þykir.

Orkugjald .....	4,51 kr/kWh
Fastagjald 4xF.1 .....	14.840,00 kr/ári

**A.5 Markmæling.**

Allur almennur búrekstur með rafhitun. Heimilt er að selja raforku til búreksturs samkv. öðrum liðum ef hagkvæmara þykir. Lágmarksafl 4 kW, hámarksafl 50 kW.

Orkugjald af allri notkun .....	2,68 kr/kWh
Aflgjald (lágmark 4 kW) .....	6.410,00 kr/kW/ári
Fastagjald 3xF.1 .....	11.130,00 kr/ári
Orkugjald af notkun umfram aflstillingu .....	6,32 kr/kWh

Orkugjald vegna rafhitunar heimila er niðurgreitt samkvæmt ákvörðun iðnaðarráðuneytis. Sjá kafla um niðurgreiðslur og sérstakan afslátt.

**A.6 Skiparafmagn.**

Raforkusala með rofheimild, vegna landtenginga skipa.

Orkugjald .....	4,45 kr/kWh
Fast gjald .....	33.700,00 kr/ári

**B.1 Aflmæling.**

Öll meiriháttar véla- og iðnaðarnotkun. Lágmarksafl 15 kW.

Orkugjald sumar (1. maí til 30. sep.t) .....	1,99 kr/kWh
Orkugjald vetur (1. okt til 30. apríl) .....	3,13 kr/kWh
Aflgjald sumar (1. apríl til 31. okt.) .....	601,50 kr/kW/mán
Aflgjald vetur (1. nóv til 31. mars) .....	1.203,00 kr/kW/mán
Fast gjald .....	33.700,00 kr/ári

**B.2 Súgþurrkun.**

Til súgþurrkunar á tímabilinu 1. júní til 31. október.

Orkugjald .....	1,80 kr/kWh
Aflgjald .....	3.020,00 kr/kW/ári

**C.1/D.1 Rofin daghitun.**

Rafhitun með roftíma allt að 2x1,5 klukkustund á dag.

Orkugjald .....	3,62 kr/kWh
Fastagjald F.3 .....	14.000,00 kr/ári

Orkugjald vegna rafhitunar heimila er niðurgreitt samkvæmt ákvörðun iðnaðarráðuneytis. Sjá kafla um niðurgreiðslur og sérstakan afslátt.

### C.2/D.2 Næturhitun.

Rafhitun með roftíma allt að 15 klukkustundum á dag, á tímabilinu frá kl. 7.00 til 23.00.

Orkugjald ..... 2,46 kr/kWh

Orkugjald vegna rafhitunar heimila er niðurgreitt samkvæmt ákvörðun iðnaðarráðuneytis. Sjá kafla um niðurgreiðslur og sérstakan afslátt.

### D.3 Órofin hitun.

Fyrir órofna rafhitun, varmadælur o.fl. Hámark uppsetts afls er 200 kW.

Orkugjald 1. maí til og með 30. sept. .... 3,62 kr/kWh  
Orkugjald 1. okt. til og með 30. apríl ..... 5,05 kr/kWh  
Fastagjald F.3 ..... 14.000,00 kr/ári

### H1/H2 Hitaveita R/O.

Orkugjald ..... 2,57 kr/kWh  
Sérstakur afsláttur til íbúðarhúsa ..... 0,13 kr/kWh  
Vatnsgjald ..... 33,80 kr/m<sup>3</sup>  
Fast gjald ..... 12.200,00 kr/ári

Sjá kafla um niðurgreiðslur.

### H.3/H.31/H.4 Hitaveita Siglufirði.

H.3 Hitun um rennismæli.

Vatnsgjald ..... 123,00 kr/m<sup>3</sup>  
Fast gjald ..... 1.970,00 kr/ári

H.31 Hitun um hemil.

Fast gjald skv. stillingu hemils ..... 32.400,00 kr/mín/ári

H.4 Hitun húsnæðis um rennismæli.

Vatnsgjald ..... 82,22 kr/m<sup>3</sup>  
Fast gjald ..... 12.200,00 kr/ári

Sala um hemil (H.31) var lögð af í febrúar 1992 og við tók taxti H.4. Viðskipti um H.31 eru aðeins í undantekningartilfellum þar til breytingu á sölukerfi er að fullu lokið.

### S.1 Sumartaxti.

Fyrir meiriháttar véla- og iðnaðarnotkun á tímabilinu 1. apríl til 31. október, samkvæmt sérsamningi. Lágmarksafl 75 kW á mánuði.

Orkugjald ..... 1,99 kr/kWh  
Aflgjald ..... 377,00 kr/kWh/mán

Engin orkuafhending er heimil frá 1. nóvember til 31. mars.

### Mælaleiga.

Notendum er gefinn kostur á að leigja mælitæki til innra uppgjors og skal leiga fyrir mælitækin vera sem hér segir:

Einfasa mæla ..... 710,00 kr/ári  
Þrífasa mæla ..... 2.790,00 kr/ári

Gjald fyrir önnur mælitæki en að framan greinir, tekur mið af ofangreindu verði, þó aldrei lægra en sem nemur 15% af verðmæti þeirra, samkvæmt nánari ákvörðun RARIK hverju sinni.

### **Innheimta og lokun.**

Innheimtugjald:	
Gjald til greiðslu kostnaðar við vanskilainnheimtu.....	910,00 kr
Opnunargjald:	
Gjald fyrir aðgerðir vegna lokunar og/eða opunar veitu vegna vanskila er .....	3.640,00 kr

### **Gjald vegna varatengingar.**

Eftirfarandi reglur skulu gilda um kostnað við varatengingu þar sem önnur orkuöflun er fyrir hendi. Gjaldtaka miðast við 20 kW aflúttekt.

- 1.1 Í hverju tilviki fyrir sig, skal gera skriflegan samning um tenginguna og frágang hennar. Þann kostnað sem af henni hlýst, greiðir notandinn að fullu.
- 1.2 Hafí viðkomandi ekki verið tengdur við dreifikerfi rafmagnsveitnanna þegar varatengingar er óskað, greiðir hann allan kostnað við tenginguna, þ.e. af línulögn, spennu, strengjum o.s.frv.
- 1.3 Notandi greiðir fyrir varatenginguna, óháð orkunotkun, fast gjald á ári, sem samsvarar aflgjaldi á marktaxta fyrir 4 kW að viðbættu föstu gjaldi marktaxtans. Fyrir hverja kWh sem notuð er, skal notandinn greiða samkvæmt almenna taxtanum A1.

### **Niðurgreiðslur og afsláttur.**

Iðnaðarráðuneytið ákveður upphæð niðurgreiðslna vegna hitunar íbúðarhúsnæðis með raforku og rafkyntum hitaveitum og setur nánari reglur þar um. Niðurgreiðslna njóta þau heimili sem búa við slíka hitun og eiga ekki kost á heitu vatni til upphitunar frá jarðhitaveitu sem starfrækt er á viðkomandi stað.

Rafmagnsveitur ríkisins veita ennfremur fyrst um sinn, sérstakan afslátt til þeirra sem nota raforku til hitunar íbúðarhúsnæðis.

Um niðurgreiðslur og sérstakan afslátt gilda eftirfarandi reglur:

Hver kílóvattstund (kWh) er niðurgreidd um fasta upphæð, upp að ákveðinni hámarksnotkun. Til grundvallar þessu er lögð orkunotkun að hámarki 30.000 kWh/ári samkvæmt lið C.1 og H.1 og 42.000 kWh/ári samkvæmt lið A.5, en er skipt hlutfallslega niður á reikningstímabilið.

Þetta skal framkvæmt á eftirfarandi hátt:

#### *Liður C.1 Rofin daghitun:*

Niðurgreidd er orka sem er allt að 83 kWh á dag að jafnaði á notkunartímabilinu. Niðurgreiðsla nemur 1,12 kr/kWh og sérstakur afsláttur að auki, 0,26 kr/kWh.

#### *Liður A.5 Markmæling:*

Niðurgreidd er orka sem er allt að 115 kWh á dag að jafnaði á notkunartímabilinu. Niðurgreiðsla nemur 0,80 kr/kWh og sérstakur afsláttur að auki, 0,185 kr/kWh.

#### *Liður H.1 Hitaveita:*

Niðurgreidd er orka sem er allt að 83 kWh á dag að jafnaði á notkunartímabilinu. Niðurgreiðsla nemur 1,04 kr/kWh. Sérstakur afsláttur rafmagnsveitnanna er 0,12 kr/kWh.

*Liður C.2 Næturhitun:*

Ekki er sett hámark við niðurgreiðslur samkvæmt lið C.2 næturhitun. Niðurgreiðsla nemur 0,64 kr/kWh og sérstakur afsláttur að auki, 0,26 kr/kWh.

**SKILGREININGAR OG ÝMIS ÁKVÆÐI.****1. Utanhússlýsing.**

Rafmagnsveitur ríkisins sjá um uppsetningu utanhússlýsingarkerfa samkvæmt ósk notanda, sem greiðir allan stofnkostnað. Allt eðlilegt viðhald lýsingar annast Rafmagnsveitur ríkisins á sinn kostnað.

**2. Markmæling.**

Liður A.5 er fyrir heildarorkusölu til bændabýla með rafhitun samkvæmt opinberri skráningu og skilgreiningu þar um. Aðrir sérmældir gjaldskrárlíðir eru ekki veittir samhliða honum svo sem súgurrkun eða húshitun.

**3. Aflgjaldsmæling.**

Liður B.1 (*breyttur frá 1. janúar 1993*) er fyrir heildarmælingu á allri notkun og verða ekki aðrir líðir, svo sem A.1, veittir samhliða. Heimilt er þó að mæla rafhitun sérstaklega. Aflgjald er ákveðið samkvæmt mælingu miðað við 15 mín. meðalgildi afls. Gjaldskylt afl hvers almanaksmánaðar er hæsta gildi afls viðkomandi reikningstímabils milli reglulegra álestra. Álestur er mánaðarlega, að jafnaði sem næst mánaðamótum. Vetrargjald afls er á tímabilinu 1. nóvember til 31. mars. Á öðrum tíma gildir sumarverð afls. Vetrarverð orku gildir á tímabilinu 1. október til 30. apríl. Á öðrum tíma gildir sumarverð orku.

Lágmarksaflgjald er miðað við 15 kW afl. Notanda með lægra meðalgildi afls er þó heimilt að kaupa raforku samkvæmt lið B.1, enda greiði hann þá lágmarksaflgjaldið.

**4. Sumartaxti.**

Heimilt er að selja raforku til meiriháttar véla- og iðnaðarnota á sérstökum sumartaxta. Gera þarf sérstakan samning þar um í hverju tilviki. Sumartaxti gildir aðeins á tímabilinu 1. apríl til 31. október, og er engin notkun leyfð á sama rafbúnaði eftir öðrum gjaldskrárlíðum utan þess tímabils. Aflgjald er samkvæmt mælingu við 15 mín. meðalgildi afls. Álestur fer fram að jafnaði sem næst mánaðamótum. (*Taxti þessi fellur niður á árinu 1994*).

**5. Véla- og tækjanotkun.**

Ef úttekið launafl hjá notanda nemur meiru en 50% af mesta útteknu raunaflí á ári, miðað við 15 mín. meðalgildi afls, skal hann gera ráðstafanir á sinn kostnað til þess að færa það niður í framangreint hlutfall. Rafmagnsveiturnar geta krafið notanda um sérstakt gjald fyrir launafl sé framangreint hlutfall yfir 50% (fasviksstuðull undir 0,9), þar til úr hefur verið bætt. Gjald fyrir launafl umfram framangreint hlutfall nemur hálfu aflgjaldi skv. lið B.1 í gjaldskrá.

Heimilt er að banna notkun rafsuðuspenna og annarra tækja, er valda tilfinnanlegum truflunum, um lengri eða skemmri tíma eftir aðstæðum hverju sinni.

**6. Takmörkun á vali gjaldskrárlíða o.fl.**

Þegar um sérstakar aðstæður er að ræða, svo sem tímabundna notkun mikils afls eða notkun einstakra aflfrekra raftækja, geta Rafmagnsveitur ríkisins takmarkað val notanda við ákveðna gjaldskrárlíði eða gert sérstaka samninga um skilyrði fyrir tengingu. Þar sem framleiðslukostnaður orku er sérstaklega hár, svo sem á dísilstöðvasvæðum, eða flutnings-

geta og/eða spennaafli er takmarkað, áskilja rafmagnsveiturnar sér rétt til þess að gefa ekki kost á gjaldskrárlíðum, þar sem orkugjald er lágt og/eða orkunotkun mikil.

Heimilt er að takmarka veitingu gjaldskrárlíða við aflmælingu, ef orkunotkun fer yfir 200.000 kWh/ári á töxtum A.1 til A.4.

### 7. Rafmagn til skipa.

Raforkusala til hafna vegna endursölu til skipa. Taxi þessi er eingöngu ætlaður til landtenginga skipa og annarra nota sem tengjast skipunum beint, ekki til annarra nota hafnanna, svo sem lýsingar og gámatenginga. Hér er um að ræða orku sem ekki nýtur fulls forgangs, en telst þó ekki ótryggð eða víkjandi orka eins og hún hefur verið skilgreind. Rafmagn til þessarra nota verður rofið þegar skortur er, þ.e. þegar og ef grípa þarf til skömmtnar. Þetta þýðir að raforka sem kynni að þurfa að framleiða með dísilvél í landi, fæst ekki til skipanna, enda eru þau búin varaafli.

## II. HEILDSALA TIL ALMENNINGSVEITNA.

### 1. Skilgreining.

Gjaldskrá þessi gildir um sölu til eftirtalinna aðila:

Rafveitu Sauðárkróks, Rafveitu Húsavíkur, Rafveitu Reyðarfjarðar, Rafveitu Hvera-gerðis, Selfossveitna, Hitaveitu Eyra og Bæjarveitna Vestmannaeyja.

### 2. Rafmagnsgjald.

Aflgjald .....	10.180,00 kr/kW/ári
Vetrargjald orku.....	2,248 kr/kWh
Sumargjald orku .....	1,124 kr/kWh
Tengigjald .....	344.730,00 kr/ári

### 3. Söluskilmálar.

#### 3.1 Aflsala.

Við útreikning á sölutoppi til uppgjors á ári hverju skal fyrst fundinn hæsti álagstoppur hvers almanaksmánaðar, mældur sem 60 mínútna sammælt meðalalag á afhendingarstað(stöðum). Fjórir hæstu fyrrgreindra tólf álagstoppa koma til uppgjors. Sölutoppur ársins telst útreiknað meðaltal þessara fjögurra toppa. Þessi grein gjaldskrár gildir ekki ef heimild til sérsamnings, sbr. 4. grein, er nýtt.

#### 3.2 Tímabil orkugjalda.

Vetrargjald gildir tímabilin:	1. janúar til 30. apríl
	1. október til 31. desember
Sumargjald gildir tímabilið:	1. maí til 30. september

### 4. Sérsamningar um aflsölu.

Rafmagnsveitunum og hverri einstakri veitu fyrir sig er heimilt að gera með sér sérstakan samrekstrarsamning. Í samningi þessum komi fram á hvern hátt sölutoppur skuli ákveðinn ásamt öðrum þeim atriðum sem aðilar koma sér saman um og varða samrekstur. Ákvæði samnings þessa mega þó í engu breyta þeim ákvæðum sem fram koma í gjaldskrá þessari að undanskilinni grein 3.1.

## 5. Mánaðargreiðslur.

### 5.1 Aflsala og tengigjald.

Í upphafi árs áætla rafmagnsveiturnar, í samráði við kaupanda, sölutopp komandi árs. Áætluð ársgreiðsla fyrir afl- og tengigjald skal síðan reiknuð út frá gildandi gjaldskrá. Mánaðargreiðsla telst 1/12 hluti ársgreiðslunnar nema desembergreiðslan sem er útreiknuð lokagreiðsla ársins. Mánaðargreiðslurnar teljast innborganir.

Við gjaldskrárbreytingar skulu þær mánaðargreiðslur sem ekki eru fallnar í gjalddaga taka sömu hlutfallslegu breytingum og gjaldskráin. Við lokauppgjör í árslok skal reikna með einingarverðum í réttu hlutfalli við dagafjölda verðtímabíla. Frá þannig reiknaðri ársgreiðslu dragast gjaldfallnar innborganir og mismunurinn telst mánaðargreiðsla desember.

### 5.2 Orkusala.

Mánaðargreiðsla fyrir orku miðast við mældu orkunotkun í mánuðinum og gildandi einingarverð. Séu fleiri en eitt einingarverð í gildi innan mánaðarins skal reikna í réttu hlutfalli við dagafjölda.

## 6. Greiðsluskilmálar.

Mánaðargreiðslur fyrir janúar falla í gjalddaga síðasta dag febrúar og þannig koll af kalli fyrir aðra mánuði. Ef ekki er greitt á gjalddaga, reiknast fullir vanskilavextir frá honum eins og Seðlabanki Íslands ákveður þá hverju sinni.

## GJALDSKRÁ FYRIR ÓTRYGGÐA ORKU.

### 1. Almenn.

Um viðskipti þessi gilda almennir skilmálar Landsvirkjunar um sölu ótryggðs rafmagns frá 1. janúar 1991 og almennir skilmálar Rafmagnsveitna ríkisins um sölu ótryggðrar orku frá 1. janúar 1991.

### 2. Rafmagnsgjald.

Fast gjald .....	127.610,00 kr/ári
1. verðþrep.....	1,104 kr/kWh
2. verðþrep.....	1,433 kr/kWh
3. verðþrep.....	2,065 kr/kWh

### 3. Samningur.

Skilyrði fyrir viðskiptum samkvæmt gjaldskrá þessari er að gerður sé sérstakur skriflegur samningur milli Rafmagnsveitna ríkisins og kaupanda um viðskiptin og hann staðfestur með áritun Landsvirkjunar. Með slíkum samningi er heimilt að veita nánar umsaminn afslátt, ef um endursölu er að ræða.

## ALMENNIR SKILMÁLAR RAFMAGNSVEITNA RÍKISINS UM SÖLU VÍKJANDI ORKU.

### 1. Almenn skilyrði.

Víkjandi orka er rjúfanleg forgangsrorka. Hana má selja í stað annarra orkugjafa eða þegar um er að ræða framleiðslu eða starfsemi sem lagst getur niður tímabundið meðan rofið er. Víkjandi orka er ætluð:

- Þeim sem kost eiga á ótryggðri orku en treysta sér ekki til að undirgangast þau skilyrði um langtímarof sem henni fylgja.

- b) Þeim sem kost eiga á kaupum samkvæmt smásölugjaldskrá, sbr. þær takmarkanir sem þar koma fram, til nota hvar rof á hæstu álagstímum getur talist eðlilegur viðskiptamáti; hér er einkum átt við ýmis konar hitun og lýsingu í gróðurhúsum.

Sala á víkjandi orku er háð samþykki Rafmagnsveitna ríkisins í hverju tilviki. Uppsett afl þess búnaðar, sem nýtir víkjandi orku, skal að lágmarki vera 100 kW eða áætluð ársnotkun að lágmarki 500 MWh.

## 2. Afhending víkjandi orku.

Stýritími er sá tími þegar stýring aflkaupatopps frá Landsvirkjun er virk. Framkvæmd er í höndum stjórnstöðvar Rafmagnsveitna ríkisins sem kemur boðum um stýritímann til viðskiptavina.

Rafmagnsveitum ríkisins er heimilt að skerða afhendingu:

- a) Á stýritíma Rafmagnsveitna ríkisins.
- b) Vegna afltakmarkana, truflana eða bilana í veitukerfi Rafmagnsveitna ríkisins til að koma í veg fyrir yfirálag.

Enginn fyrirvari er á rofi vegna tilviks a) en eigi skemmri en ein klukkustund vegna b) ef mögulegt er. Heimilt er Rafmagnsveitum ríkisins að leyfa afhendingu orku á stýritíma gegn gjaldi sem nemi 110% af refsigjaldi (umframflgjaldi) Landsvirkjunar eða 110% af áætluðum framleiðslukostnaði með dísilvélum vegna álagsstýringar á hverjum tíma.

## 3. Mæling og rofabúnaður.

### 3.1 Mælabúnaður.

Kaupandi víkjandi orku skuldbindur sig til að setja upp mælabúnað sem við á og þær samþykkja til mælingar á orku. Öll víkjandi orka hjá hverjum kaupanda skal mæld á einum stað og á einum mæli. Rafmagnsveitum ríkisins er heimilt að ákveða að búnaður, hjá öllum notendum, skuli þannig gerður, að hægt sé á sjálfvirkan hátt um símakerfið eða á annan sambærilegan hátt að lesa mælingar á 60 mínútna meðalálagi.

### 3.2 Rofabúnaður.

Kaupandi víkjandi orku skuldbindur sig til að setja upp, Rafmagnsveitum ríkisins að kostnaðarlausu, rofabúnað sem þær samþykkja til rofs á afhendingu orkunnar.

Öll víkjandi orka hjá hverjum kaupanda skal vera rjúfanleg á einum rofa.

### 3.3 Fjarstýring rofabúnaðar.

Kaupandi víkjandi orku skuldbindur sig til að setja upp, Rafmagnsveitum ríkisins að kostnaðarlausu, búnað sem tengist fjarstýrikerfi þeirra og getur:

- a) Rofið afhendingu.
- b) Gefið til kynna hvort rof heppnast eða ekki.
- c) Gefið til kynna stöðu rofa á hverjum tíma.

Fjarstýring Rafmagnsveitna ríkisins skal virka á einn rofa, sbr. grein 3.2, en kaupandi skal setja upp búnað til innsetningar í áföngum ef þurfa þykir. Sé heimildin til afhendingar orku á stýritíma nýtt, sbr. 2. grein, skuldbindur kaupandi sig til að setja upp, Rafmagnsveitum ríkisins að kostnaðarlausu, þann viðbótarbúnað sem til þarf.

## 4. Gildistími.

Skilmálar þessir gilda frá og með 1. janúar 1993 og gilda þar til annað verður ákveðið.

*GJALDSKRÁ FYRIR VÍKJANDI ORKU.***1. Almenn.**

Um viðskipti þessi gilda almennir skilmálar Rafmagnsveitna ríkisins um sölu víkjandi orku frá 1. janúar 1993.

**2. Rafmagnsgjald.**

Fast gjald .....	127.610,00 kr/ári
Vetrargjald orku .....	2.889 kr/kWh
Sumargjald orku .....	1.869 kr/kWh

Um gjald fyrir orku sem afhent er á stýritíma vísast í framangreinda skilmála.

**3. Tímabil orkugjalda.**

<i>Vetrargjald gildir tímabilin:</i>	<i>1. janúar til 30. apríl</i>
	<i>1. október til 31. desember</i>
<i>Sumargjald gildir tímabilið:</i>	<i>1. maí til 30. september</i>

**III. TENGIGJÖLD.****1. Þéttbýli.**

Tengigjöld Rafmagnsveitna ríkisins í kaupstöðum, kaupúnum og þorpum, tengdum veitusvæðum rafmagnsveitnanna og með fasta íbúatölu 50 eða fleiri, samkvæmt skrá Hagstofu Íslands á hverjum tíma miðað við áramót, eru sem hér segir:

- 1.1 Heimtaugar greinast í aðalheimtaugar og bráðabirgðaheimtaugar. Málstraumur heimtaugar miðast við stærð stofnvara húsveitu.
- 1.2 Aðalheimtaugar. Gjöld fyrir aðalheimtaugar eru eftirfarandi:

Málstraumur/gerð	
63 A einfasa: .....	74.000,00 kr
63 A þrifasa: .....	81.400,00 kr
100 A þrifasa: .....	128.500,00 kr
200 A þrifasa: .....	257.100,00 kr
315 A þrifasa: .....	404.900,00 kr
400 A þrifasa: .....	514.200,00 kr
630 A þrifasa: .....	809.800,00 kr
710 A þrifasa: .....	912.700,00 kr
1200 A þrifasa: .....	1.543.000,00 kr

- 1.3 *Staðsetning.* Leitað skal samþykkis rafmagnsveitnanna um staðsetningu inntaks heimtaugar. Óski eigandi húsveitu eftir, að heimtaug sé lögð, þegar frost er í jörðu, skal hann greiða aukagjald samkvæmt nánari ákvörðun rafmagnsveitnanna.
- 1.4 *Aukakostnaður.* Sé fyrirsjáanlegt vegna fjarlægðar eða annarra aðstæðna, að kostnaður við lagningu heimtaugar verði meira en 50% hærri en gildandi gjaldskrá segir til um, skal greiða þann kostnað, sem umfram 50% er, samkvæmt nánari ákvörðun rafmagnsveitnanna.
- 1.5 *Spennistöð.* Þurfi að setja spennistöð, að mestu eða öllu leyti fyrir einn notanda, skal hann leggja til lóð eða húsnaði fyrir spennistöðina, eftir því sem hagkvæmara þykir að dómi rafmagnsveitnanna, með hliðsjón af tæknilegum aðstæðum hverju sinni. Þegar lóð er lögð til, er það gert rafmagnsveitunum að kostnaðarlausu og hlíta ber skilmálum þeirra um stærð og staðsetningu stöðvarinnar. Húsnaðisaðstaðan skal fullnægja þeim kröfum sem gerðar eru um húsnaði til þessara nota. Húsnaðið - uppstept - er lagt til rafmagnsveitunum að kostnaðarlausu, en þær sjá um allan kostnað við fullnaðarfrágang húsnaðisins eftir nánara samkomulagi þar um, hverju sinni.

1.6 *Breyting á heimtaug.* Þegar aðalheimtaug er breytt úr loftlínuheimtaug í jarðstrengsheimtaug, svo og þegar heimtaug er stækkuð eða færð, skal greiða fullt gjald fyrir hina nýju heimtaug að frádregnu hálfu gjaldi hinnar fyrri heimtaugar, hvort tveggja miðað við gildandi gjaldskrá þegar breyting fer fram. Heimilt er þó að lækka eða fella niður þetta gjald þegar sérstakar aðstæður mæla með því að mati rafmagnsveitnanna.

1.7 *Bráðabirgðaheimtaugar.* Grunn gjald er eftirfarandi:

Málstraumur/gerð	
63 A einfasa: .....	11.500,00 kr
63 A þrifasa: .....	16.200,00 kr
100 A þrifasa: .....	17.700,00 kr

Auk grunn gjalds skal greiða kostnað við framkvæmd verks og leigu efnis samkvæmt kostnaðaráætlun, sem miðast við aðstæður hverju sinni. Bráðabirgðaheimtaugar skulu aflagðar innan 12 mánaða frá tengingu. Fyrir orkunotkun skal greiða samkvæmt taxa A2 eða A4, eftir því hvort um raffhitun er að ræða eða ekki.

1.8 *Frávik.* Kafli þessi gildir um skipulögð hverfi í þéttbýli. Sé um óskipulagt svæði að ræða eða heimtaugar stærri en 1200 A, skal greiða tengigjald samkvæmt nánari ákvörðun rafmagnsveitnanna, með hliðsjón af þessari gjaldskrá. Gjald fyrir aðrar heimtaugarbreytingar en um getur í þessari gjaldskrá er samkvæmt kostnaðarreikningi eða eftir nánari ákvörðun rafmagnsveitnanna.

## 2. Dreifbýli.

2.1 Tengigjald fyrir íbúðarhús, kirkjur, skóla, atvinnuhúsnæði og þ.h., skal vera:

Fyrir hverja heimtaug: .....	134.000,00 kr
------------------------------	---------------

Tengigjaldið er miðað við, að heildarkostnaður við heimtaugarlögnina fari ekki fram yfir kostnað við lagningu 80 m heimtaugar og uppsetningu 25 kVA spennistöðvar.

2.2 Um greiðslu kostnaðar af breytingu heimtaugar eða spennistöðvar fer eftir ákvæðum reglugerðar Rafmagnsveitna ríkisins. Verði fallist á að leggja veitu, þar sem heimtaugarlengd og stærð spennistöðvar fer fram úr því, sem tilgreint er í lið 2.1, skulu tengigjöld hækka samkvæmt nánari ákvörðun rafmagnsveitnanna, með hliðsjón af áætluðum umframkostnaði.

## 3. Sumarhúsahverfi.

3.1 *Tengigjald í skipulögðu sumarhúsahverfi* skal vera sem hér segir:

Fyrir hverja heimtaug: .....	167.000,00 kr
------------------------------	---------------

Tengigjaldið miðast við 5 kVA afl í spennistöð fyrir hvert hús. Sé um meira afl að ræða bætist við gjald samkvæmt kostnaði. Þetta tengigjald gildir innan hverfisins, sé eftirfarandi skilyrðum fullnægt:

3.2 Um sé að ræða skipulögð hverfi. Með skipulögðu hverfi er átt við afmarkað svæði, þar sem fyrir liggur uppdráttur af staðsetningu húsa og lóða hverfisins í mælikvarða 1:2000, staðfestur af Skipulagi ríkisins. Á staðfestum uppdrætti skulu koma fram akbrautir, stígar, stærð lóða og staðsetning húsa á lóðum.

3.3 *Eftirlit.* Sveitarfélag, landeigandi eða félag sumarhúsaeygenda viðkomandi hverfis, eftir því sem við á, tryggi í samráði við Rafmagnsveitur ríkisins heimild til lagningar dreifikerfis, hvort heldur er háspennukerfis, uppsetningar nauðsynlegs búnaðar og allan eðlilegan umgengnisrétt til eftirlits, rekstrar og viðhalds kerfisins.

- 3.4 *Fjöldi.* Í upphafi þurfa a.m.k. 5 bústaðir að tengjast hverri spennistöð sem sett er upp. Meðallengd heimitauga frá stofndreifikerfi fari ekki yfir 120 m. Umframlengd greiðist samkvæmt kostnaði.
- 3.5 *Lega heimitaugar* frá lágspennudreifikerfi að bústað skal ákveðin í samráði við Rafmagnsveitur ríkisins, en umsækjandi sér um gröft fyrir heimitaug innan sinna lóðamarka og annast frágang í samræmi við teikningu frá Rafmagnsveitum ríkisins nr. 4.3207.46.
- 3.6 *Lengd háspennulínu* sem leggja þarf að sumarhúsa hverfi, má ekki fara yfir 100 metra á hverja lóð.
- 3.7 *Uppbygging.* Sé fyrirsjáanlegt, að mati Rafmagnsveitna ríkisins, að hverfi sem skipulagt hefur verið, komi til með að byggjast seint upp, þá geta rafmagnsveiturnar krafist þess, að fyrir allt að 35% af lóðafjölda hverfisins verði greitt tengigjald, áður en ráðist er í framkvæmdir.

#### 4. Hitaveitur.

Eftirfarandi gildir um R/O hitaveitur Rafmagnsveitna ríkisins og hitaveitu á Siglufirði:

- 4.1 *Tengigjöld* fyrir hverja heimæð skulu vera háð rúmmáli þess húsnæðis sem hita skal (utanmáli) og eru sem hér segir:

Fyrir hús allt að 400 rúmmetrum:.....	74.000,00 kr
Fyrir hverja 10 rúmmetra umfram 400:.....	1.070,00 kr
Hver mælagrind umfram eina:.....	16.100,00 kr

- 4.2 *Rúmmál.* Við ákvörðun á rúmmálsstærð skal miða við fasteignaskrá. Fyrir hús sem ekki eru skráð í fasteignamati skal miðað við byggingarteikningar húsa.
- 4.3 *Takmörkun.* Rafmagnsveitunum er heimilt að takmarka aðgang að heitavatnskerfi ef orkuöflun gefur tilefni til. Tengigjöld hitaveitu miðast við vísitölu byggingarkostnaðar 1. janúar ár hvert.
- 4.4 *Mælagrind.* Hverri heimitaug fylgir ein mælagrind. Greiða skal aukagjald fyrir hverja mælagrind umfram þá fyrstu.
- 4.5 Að öðru leyti en að ofan er greint, gilda sömu skilmálar um orkuviðskipti og í gildi eru fyrir raforkumásölu Rafmagnsveitna ríkisins.

#### 5. Annað.

- 5.1 Tengigjöld fyrir annað, en að framan greinir, svo sem fyrir heimitaugar í einstök sumarhús, veiðihús, o.fl., eru ávallt samkvæmt kostnaði, þó að lágmarki kr. 167.000,00. Um bráðabirgðaheimitaugar í strjálbýli gilda sömu reglur og í þéttbýli (kafla 1.7).
- 5.2 *Endurtenging.* Sé veitu lokað um lengri tíma en 6 mánuði, má búast við aftengingu heimitaugar. Falli notkun um heimitaug niður í a.m.k. 5 ár, telst heimitaug aflögð og þarf að greiða fullt tengigjald, hefjist notkun að nýju. Fyrir skemmri tíma greiðist fastagjald F.1, auk kostnaðar við endurtengingu.
- 5.3 *Aukaheimitaug.* Að jafnaði er aðeins gert ráð fyrir einni heimitaug fyrir hvern notanda. Sé hinsvegar þörf á aukaheimitaug, skal greiða fyrir hana samkvæmt kostnaði hverju sinni, eftir nánari ákvörðun rafmagnsveitnanna.
- 5.4 Aðrar breytingar á heimitaugum en þær sem tilgreindar eru í kafla um tengigjöld skulu vera samkvæmt kostnaði hverju sinni.

Öll gjöld sem tilgreind eru í kafla III miðast við vísitölu byggingarkostnaðar 1. janúar 1993, sem er 189,6 stíg og breytast í sama hlutfalli og vísitalan til hækkunar eða lækkunar þannig, að vísitalan 1. janúar ár hvert er lögð til grundvallar gjöldum almanaksársins.

Öll gjöld eru gefin upp án virðisaukaskatts nema annars sé getið. Virðisaukaskattur leggst á gjöldin samkvæmt gildandi lögum hverju sinni.

Gjaldskrá þessi, sem sett er samkvæmt orkulögum nr. 58 29. apríl 1967, staðfestist hér með til að öðlast gildi 1. janúar 1994 og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá Rafmagnsveitna ríkisins sama efnis nr. 306, 29. júlí 1993.

*Iðnaðarráðuneytið, 21. desember 1993.*

F. h. r.

**Porkell Helgason.**

Steinunn Bjarman.

## REGLUGERÐ

### um ábyrgðagjald atvinnurekenda.

1. gr.

Ábyrgðargjald atvinnurekenda í ábyrgðasjóð launa vegna gjaldþrota skal árið 1994 vera 0,2% af gjaldstofni sbr. 6. gr. laga nr. 113/1990.

2. gr.

Reglugerð þessi, sem sett er samkvæmt heimild í 2. mgr. 3. gr. laga um ábyrgðasjóð launa vegna gjaldþrota nr. 53/1993, öðlast þegar gildi.

*Félagsmálaráðuneytið, 22. desember 1993.*

**Jóhanna Sigurðardóttir.**

Húnbogi Þorsteinsson.

## REGLUGERÐ

### um breytingu á reglugerð um hlut Vinnueftirlits ríkisins í tryggingagjaldi launagreiðenda nr. 60/1991.

1. gr.

Í stað 0,08% í 1. gr. reglugerðarinnar komi 0,07%.

2. gr.

Reglugerð þessi sem sett er samkvæmt 2. tl. 3. gr. laga nr. 113/1990 öðlast þegar gildi.

*Félagsmálaráðuneytið, 2. desember 1993.*

**Jóhanna Sigurðardóttir.**

Húnbogi Þorsteinsson.